

知章邱縣事嚴陵張萬青纂修

軼事

事不足昭法戒而播諸傳聞或徃徃稱道之弗絕楊雄之所謂說鈴者也第其來已久又不能盡爲屏棄之書於卷末雖荒唐弔詭之言安知其非理之所或有乎作軼事志

臨濟有妬婦津相傳晉太始中劉伯玉妻段氏字明光性妬忌伯玉嘗於妻前誦洛神賦語其妻曰娶婦得如此吾無憾焉明光曰君何以水神美而欲輕我

章邱縣志

卷之十三 軼事

一

吾死何愁不爲水神其夜乃自沉而死死後七日托夢語伯玉曰君本願神吾今得爲神也伯玉寤而覺遂終身不復渡水有婦人渡此津者皆攘衣卸粧然後敢濟不爾風波暴發醜婦雖粧飾而渡亦不妬也故齊人語曰欲求好婦立在津口婦立水傍好醜自彰

酉陽雜俎云長白山相傳古肅然也峴南有鐘鳴燕世桑門釋惠霄者自廣固至峴聽聲稍前忽見一寺門宇炳煥遂求食寺中見一沙彌摘一桃與霄須臾又與一桃語霄曰至此已淹留可去矣霄出廻顧失

寺至廣固見弟子言失和尚已二年霄始知一姚兆
二年矣

酉陽雜俎云長白山西有夫人墓魏孝昭之世搜揚
天下才俊清河崔羅什弱冠有令望被徵詣州夜經
於此忽見朱門粉壁樓臺相望俄有一青衣出語什
曰女郎須見崔郎什悅然下馬入兩重門內有一青
衣通問引前什曰行李之中忽蒙厚命素旣不叙無
宜深入青衣曰女郎乃平陸劉府君之妻侍中吳質
之女府君先行故欲相見什遂前入就昧坐其女在
戶東立與什叙溫涼室內二婢秉燭呼二婢令以玉

章邱縣志

卷之三

軼事

二

夾膝置什前什素有才藻頗善諷詠雖疑其非人亦
愜心好也女曰比見崔郎息駕庭樹嘉君吟嘯故欲
一叙玉顏什遂問曰魏帝與尊公書稱尊公爲元城
令然否女曰家君元城之日妾生之歲什乃與論漢
魏時事悉與魏史符合言多不能備載什曰貴夫劉
氏願告其名女曰狂夫劉孔才之第二子名瑤字仲
璋比有罪被攝乃去不返什乃下牀辭出女曰從此
十年當更相逢什遂以玳瑁簪留之女以指上玉環
贈什什上馬行數十步回顧乃一大家什屈歷下以
爲不祥遂請僧爲齋以環布施天統末什爲王事所

牽築河於垣冢一作桓家遂於幕下話斯事於濟南奚叔

布因下泣曰今歲是十年可如何也作罷什在園中食杏唯云報女郎信俄郎去食一杏未盡而卒什十二爲郡功曹爲州里推重及死無不傷嘆

宋乾道間章邱暨彥穎省親臨濟回投宿邸店倦憇房內一女推戶入問爲誰密對曰我南隣京氏處女知爾至此竊相就暨喜留宿因隨歸里情好轉篤目曰京娘歲餘出遊野外見墓祭者大慟曰未知我父母爲我添墳上土否衆駭而叩之不肯言晚歸語暨曰我實非人死未久但精不泯得以周旋世間與君

章邱縣志

卷之三

軼事

三

有夙契得諧伉儷茲誓別明年今日當再會面於郊矣遂趨出不見及期果遇之

黌山後有仙人藏穀種於洞中數年一次出晒種於地回頭卽穗黃謂之回頭黃又洞中仙人養金蠶後常有拾金蠶者因名黌山蠶穀

章邱城中有張姓者其妻爲妖狐所惑冥賦賦書請從焚肆虐兵刃所加無如之何民控訴侯侯爲文告之城隍狐給婦曰汝官告我我無所懼但我亦不欲居此卽遁去無迹矣

女郎山頂相傳每大比之歲七八月間有雲如蓋以

蓋之多少卜中式名數累科驗之皆然

城東十里許小荆山下有泉極清冽里人相傳能愈病邑人有疾輒不遠數十里汲水飲病人往往有愈者泉在寺中卽聖泉西流入漯河

東陵山下大石高丈餘有神異不時化爲人行醫邑中嘉靖初年嘗化一男子假星命自號石大夫至渭南劉家是時前令鳳池公方爲諸生見其交干卽下拜曰我父母也異日登第必令吾章邱鳳池諤然後果登進士謁選得章邱蹟其人父老並不知夜石見夢曰我非人東陵山下亭亭大石卽我也鳳池因在章邱縣志

卷之三 軼事

四

祭其處留詩刻之爲立廟邑人有沉疾多往祈禱輒托之夢寐爲人醫無不立愈蓋咄咄怪事也

明崇禎末年邑人王憲起自行伍積官至帥頗跋扈曾領兵經邑中縱兵望屋牢搜鷄犬靡寧人皆苦之時方右武憲以夙嫌誣奏孝廉李公衡於朝事白後李竟鬱鬱死李病革時語人曰我必訴之天帝未幾憲在行間時方晴晝黑雲倏起霹靂大作震憲死于野餘人俱無恙憲止生一子騃痴後亦夭亡

邑東山村陳家河灘有遊子乳名白驢者虐其母無不至母負痛輒望空呼籲一日大雷電繞其居母又

呼曰天欲尋白驢子耶神山院下鋤田者是語畢風
落電轉駛然而去時左右田夫聞雷至各倚鋤遠睇
見雲容如怒一閃爍間火光從地下起有物自空中
墜比視則白驢也膚焦額爛而死孰謂天道果遠乎
相傳國初時邑諸生某於元宵節遙見一蓮炬其光
奪目自清平門隨行逐隊跳踔而來比至則一青衣
婢執之導一女子澹粧絕艷吟句云分明香在梅花
上尋到梅花却又無生不自禁人散後俟於門外又
見女婢執燈吟句冉冉北去明夜復然生語所知且
云俟其再至當跡之越十六夜生失所在數日有人

章邱縣志

卷之三

軼事

五

自柏庵來云庵中西壁某姓所寄旅襯一蓋棺下露
新袂似生衣伊家鳴於官開視之果生也以身伏女
尸死矣是可爲動於欲者鑒也

逸民李賈四原籍棗強元時遷章邱西北新城鎮性
慷慨好義善行難以枚舉大德間以誹謗陷獄按審
時聚蠅圍繞吏筆邑候李公異之祝蠅跡誹謗人而
以吏尾其後比至城外古塚中有人自言我誣害善
良 關聖東我輩在此事遂解李感 聖德終

身虔供如一日

關聖屢降遣人言李某忠義宜

爲立廟其子孫未敢以聞正德間村人乃與其五世

孫李臣報縣報時儀門無故自開邑侯張公鷲見神於恍惚中同城莫不嘆異詳請立廟血食至今不絕有碑文可憑

縣南曹范村

關帝廟有巨槐三株俱數圍許土人

差其形體呼之曰大槐二槐三槐相傳以爲唐時物也邑人有客於南方者於逆旅見二老人皆魁梧不類尋常心異之問其姓氏曰姓槐以排行爲名余槐大弟槐二也原籍章邱之曹范村客大喜曰吾與君同鄉何以不相聞老人曰余貧士昆仲三人寓居廟宇是以人無識者今余二人徙居於此十餘年矣弟章邱縣志

卷之三

軼事

六

槐三尙在彼君歸時願一寄平安字語至夜分而去客歸至曹范遍覓槐姓無之一村叟曰此必關帝廟巨槐耳往歲嘗枯損兩株今計之恰十餘年因相戒勿犯故其三至今猶如故云

邑明經郝祚蕃正人也曾官福山訓導壽七旬餘將卒之前一月語家人曰吾適夢至一尊神宇儀衛彷彿東嶽君然召余匍匐階下授速報司印綬限於來月某日赴任及期果卒傳記卜夏爲修文文正作閭君理或然也

邑西北鄉某年苦旱至六月不雨鄉人患之適有人

故日計此時蕎麥尚可種吾舟中見有若干願以分
給歲底余當再至相償未晚也畢散而去是歲蕎麥
果大熟鄉人以是獲全俟其人竟不至因立祠祀之
日齊王廟今廟已重修碑殘闕不可讀殊不解其命
名之義耳

邑水寨鎮北三官廟創修時神像擬以木爲之購良
材未得也廟前乾河相傳爲當日運糧故道曾有舟
自上流來及廟忽作盤旋狀舟人詢於匠者曰某處
有某客三人以沉香托寄章邱水寨鎮乞示其地匠

章邱縣志

卷之三

軼事

七

者以對舟人付所載於岸而去衆異甚用爲三官像
恰無餘欠每陰雨芬芳襲人至今如故有碑爲記
邑南峙山之陰有邃谷中隙地畝許每春夏之交現
巨錢滿地浮光耀日精瑩照人如布金者然有土人
見之踉蹌而下搶得其一携歸衆視之錢文如蝌蚪
不可辨往掘亦無所得遂名其谷爲金錢谷云

東陵曉月爲陽邱八景之一昔有樵夫採薪石磴間
忽懸崖透一孔隙墜金錢十八枚樵得錢窺孔隙中
高廠如廳屢堆積金銀寶珠光亮奪目欲卽持取
無具恐復有人見遂用土石補塞其隙另豎一石作

誌急歸家取器具來尋所識石處迷不復得聞神語
云寶藏庫後垣損塌復一神語云已發金錢十八枚
雇夫彌補矣樵知不可妄希遂語傳於世

邑人崔三訓妻劉氏未字時卽以孝聞迨爲崔室事
翁姑孝行尤篤康熙甲戌歲氏年六十有五二月二
日因歸寧經村之西北隅土地祠少憩命婢鋪茵神
象左端坐移時五官火出全體燒化火熄色光若金
見者皆謂氏以孝德證仙果其家秘其事具棺葬之

陽邱縣志後序

邑侯張夢田先生既以明敏之材
循良之績為當道推獎而上其
名於

當

字于是先生自此升矣其來邊
遠行也蓋先生治茲五載凡一
切闕國計民依者固已有廢必

跋

一

修靡墜弗舉直不遺餘力為之
至於屆期報最為非法台之所
及亦何妨委為異人任而允必心
營在在彈其力之所能為而於
邑乘一盡尤慘不忍釋焉按
前志作於董康歲在萬歷丙
申閱古者餘年迨原照辛未

鐘虞重輯之積今六七十年間
諸所謂熙洽之佐穀繁之象
寥寥燦然可紀而其人卓乎
可傳者胡可更僕如先生蒞
任伊始既已廣詢博考而去
春復延邑紳士縹緲雲萃於
陽邱書院詳加採擇務使洪

跋

二

纖畢具而存末均有可觀余嘗
受而讀之竊喜其按部就班
者倫有焉雖未審其於新城王
為書素所稱楊君謙舊志何
如而較諸前人所撰似過之無
不及則於以信今而傳後其可
哉茲將付剞劂氏先生既自為

之叙而予謬附同官在聊綴數
言以拂希慕之意云

乾隆丙子首夏瑯琊年家姻弟
范廷桂拜撰



縣志舊跋

明張汝蘊

章邱爲濟南屬邑其戶口繁衍人物炳燿名山大川之盤鬱閎文麗篇之森列在東省爲稱首昔固有邑乘識之先後纂修不一而其見行志則祝侯假一學究之手所成者私逞胷臆妄意增減而邑乘遂至濫觴祝侯而後上下六十餘年其間率多殘闕莫稱邦典問俗者將奚考焉歸安茅鹿門氏海內所稱名家以其子二岑宰茲邑慨然有纂修之志會二岑以內召行其事遂寢興唐董侯自結髮來業登作者之堂藉甚莠林久矣壬辰成進士越明年冬適補章邑邑

章邱縣志

一

之薦紳父老咸相慶曰我侯來矣邑乘其在斯乎侯甫下車薦紳父老輒以志請侯笑謝父老蓋百冗蝟集未遑他務乙未秋政通人和官有餘暇薦紳父老復及門申請如初侯乃毅然任之曰邑志久闕文獻無稽邑之闕典亦守土者事也乃命二三宿儒使分討簡閱胥史一二人使供繕謄於是開局分類摘管抽笈取楊君謙所修舊志錯綜百氏旁搜諸史探賸鉤玄提綱撮要剞爲三十四卷累千五萬餘言甫八閱月而編成以付剞劂氏不佞偶啣命過里得締觀而三復之爲考爲志爲表爲列傳爲雜錄條分縷析

炳若日星已詳侯序中不佞竊惟志亦難言矣匪博
弗詳匪文弗工匪公弗當三者廢其一弗信弗傳不
佞觀是志也核實於載籍求逸於野史芟繁刪亂微
顯闡幽其體裁本之遷固摛詞準之左氏而是非得
失不謬於聖人詳而不失於冗工而不流於靡當而
不詭於隨馳騁古今囊括百氏美哉纚纚乎誠一邑
之信史也信則傳矣文不在茲乎不佞邑人也志成
竊不任踴躍聊綴數言簡末以志樂成之意云

縣志舊跋

紀之竹
膠州人

陽邱固劇邑哉距省會僅百里又當青萊登孔道兼之風氣鴛鴦任斯土者非才無以肆應非廉無以服衆事上接下幾幾乎難之矣錢唐履安鍾侯自甲子來守是邦冰潔乃心祛除積弊七祀以來止飲繡江勺水民困盡蘇民風漸易司牧中誠矯矯不羣者乎公退之暇不自少逸披覽舊志係明萬歷丙申歲邑令董侯編次成帙閱今將及百年侯慨然曰天下事不有作者無以基其始不有述者又何以善其後況今 詔修一統志奉上檄取邑乘祇以殘闕蠹蝕者章邱縣志

三

進守土者職將安在余覲其意每以纂修爲已任緣公事旁午未遂厥志辛未春徵之紳士父老命博採遺軼躬加考訂旋修旋刻自春徂夏告厥成焉其間爲綱者九爲目者六十有三共一十二卷計一十七萬餘言真巨觀也且夫志亦甚難言矣偏執已見近於陋瞻顧情面近於私薰蕕錯雜近於濫語出不倫近於鄙魯魚莫辨近於率凡此者不獨不足示信於後世亦且貽誚於目前其何以垂爲不朽之盛事哉我侯毓英天目素擅詞華銳意纂修不遺餘力捐清俸構良工輯成是志井井有條絕無龐雜膠執之見

駸駸乎直登作者之林俾陽邱百餘年來之人物衣冠文章政事得傳奕禩陽邱人士抑何幸也雖然我侯惟其才也故思深思深則搦管操觚自無闕畧我侯惟其廉也故心清心清則是非曲直無有混淆且以殘闕蠹蝕之書我侯以咄嗟辦事之餘究心部署不煩紳士解囊獨肩斯任成茲巨典才與廉於斯益見陽邱人士誠又何幸也余忝司鐸恭逢盛會故敬述數語志於簡末以附垂永久云

侯張公傳

館陶耿賢舉撰

命往山左試用丙寅攝平陰令侯初隨太翁宦山

舉於鄉次年會試第二人成進士例得知縣
經史解其大義弱冠補諸生高等乾隆甲子
知縣侯生于閩之官署有夙慧髫年輒能記
大父埶鳳廣東高州府知府父緒山東掖縣
左知其風土人情至是遇盤錯即喜然以得
當道稔公有幹濟才實授范縣令戊辰調蓬
萊辛未復調章邱章邱人望侯意切僉以為
來何暮也抵任禮遇士大夫重耆老恤孤弱
每履隴畝課農桑憇濃陰下視田夫饁婦慰
藉勞苦若家人然壬申蝗蝻為患侯躬率役
夫投炎火填壕輒令曰撲蝗滿囊橐者賞揮
汗立烈日中至晡不食民悉感激趨事蝗以

連歲則大熟邑有陽邱書院歲久風雨泐
蝕礎木禿缺侯捐俸重修黌舍一新延師訓
課暇則手丹黃甲乙絃誦達于四境癸酉夏
微旱侯齋戒徒步詣珠泉以禱甘澍立沛禾
稼雲連郎山西北官莊數所形勢如釜底夏
秋霖雨禾盡沒巨浸中侯訪落泊河有故道
可引水達清河前令曾疏濬之乃慨然欲復
其舊三閱月而渠通民賴其利常平倉平糶

二

賑貸惟便于附近居民若遠者或竟日不獲
一粒侯曰積貯者生民之命未可專恃常平
也回仿朱子遺法於普濟水寨諸鎮各設社
倉用備緩急讞獄和平詳慎不事鉤距而民
自無寃或有誤入之案立為昭雪征輸自滾
催外未嘗差粟懼胥役之滋弊也亦無逋欠
者至於勤講約嚴保甲五年之間百廢具舉
甲戌報最薦卓乎以引

久而侯念邑民甚復築城垣按日給價金湯
屹然又以自辛未以來節義文章久則磨滅
徵修邑乘付諸剖剝今年乙亥夏邑之人以
書殆告成而紀載侯者缺如何以昭示來茲
共蒼萃寔政而寓書俾予為文載諸誌中予
忝列乙丑蘭譜且知侯頗悉敢為傳其大畧
如此云

論曰漢史稱斯民所以安田里而忘歎息者
政平訟理也攷其循吏傳中多載德讓君子
非以所居民富所去民思故欵今觀張侯之
政平易近人而化洽一邑名達

九重蓋其祖父德澤藉又聞粵齊魯間所從來遠
矣

謹按公蒞茲邑事無鉅細一以慈惠為師
畧如前傳所云以故感人易入思服弥切
陞任之時祖餞相繼至濟省猶不絕于路

觀者且感且泣公亦歔歔不能禁一時繡
江驛壁有東風吹散別昔淚會結前曰未
了緣之句蓋不啻望公之復來者先是邑
中士庶聞公陞任興國欲以公德政附誌
書中以存去思實蹟連名箋啟書升耿君
為公叙記公聞其事再三諄諭謂君子相
愛以德不宜使某有釣名之累是以中止
比聞公卒邑人方議為公立祠而以叙勒

四

石用垂不朽爽等謂勒諸石而不朽者在
一邑附諸志而不朽者乃在四方况盖棺
事定言之者非諛而覽之者足風矣因以
耿叙為公傳補刻附載聊以終思服之義
云爾至於公則豈專藉是以傳者哉
乾隆二十一年丙子九月望後

邑人平陸縣知縣甯之葵等舉人焦汝
夔等貢生程蓮芳等三學生員隗文謨

劉元臣張謹等謹誌

